

**ZAPISNIK
SA XX PROŠIRENE SJEDNICE UPRAVNOG ODBORA
UDRUŽENJA POSLODAVACA FBIH**

koja je održana **dana 22.07.2019. godine (ponedjeljak), sa početkom u 12:00 sati, u hotelu „Bosnia“ (Kulovića 9.) u Sarajevu.**

Sjednici su prisustvovali članovi Upravnog odbora UPFBiH: Adnan Smailbegović, Safudin Čengiđ, Adisa Karahodžić, Suad Ećo, Ante Suton i Šejla Bojadžija.

Sjednici su po ovlaštenju članova Upravnog odbora UPFBiH prisustvovali: Esad Pelidija (po ovlaštenju Rusmira Hrvica), Senad Beganović (po ovlaštenju Snježane Kopruner), Muhamed Pilav (po ovlaštenju Nijaza Skenderagića), Alija Čolaković (po ovlaštenju Nurdina Peštalića) i Salem Ekmešić (po ovlaštenju Kemala Čolaka).

Sjednici nisu prisustvovali članovi Upravnog odbora UPFBiH: Krasnodar Darko Petrović, Vilim Primorac, Mario Čulina, Ramiz Grapkić, Sanel Kusturica, Mario Raspudić, Tomislav Sliškić, Eldin Hadžiselimović, Kemal Hrnjić i Stjepan Kumrić.

Sjednici su pored članova UO prisustvovali i predsjednici grupacija, članovi ESV-a i članovi UPFBiH sa područja Kantona Sarajevo.

Ispred UP FBIH: Mladen Pandurević i Mersiha Jusić.

Sjednicu je otvorio predsjednik Upravnog odbora UP FBIH Adnan Smailbegović i predložio slijedeći:

DNEVNI RED

1. Usvajanje Zapisnika sa 19 proširene sjednice Upravnog odbora UPFBiH;
2. Informacije o Inicijativi UPFBiH 20+5+6;
3. Zauzimanje zvaničnog stava UPFBiH za prednacrt Zakona o PDV-u;
4. Donošenje Odluke o razrješenju i imenovanju jednog člana UO;
5. Donošenje Odluke o imenovanju novih članova Pravnog i Ekonomskog Savjeta UPFBiH ;
6. Donošenje Odluke o imenovanju članova tematskih podgrupa za izradu Strategije razvoja FBIH 2021 -2027;
7. Razmatranje Inicijativa dostavljenih od članica UPFBiH;
 - a) Inicijativa RVI i Udruženje Ortaštvo -Zakon o profesionalnoj rehabilitaciji, osposobljavanju i zapošljavanju osoba sa invaliditetom
 - b) Udruženje Gračanica i SBK – fiskalizacija u veleprodaji
 - c) Incijativa TK- Samir Fočak- Komunalne naknade
 - d) Inicijativa Senid Gerin – uspostavljanje e-uprave
8. Tekuća pitanja
 - 1)Inicijativa Sindikat radnika trgovine- Izmjene Zakona o radu i Zakona o unutrašnjoj trgovini.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa 19 proširene sjednice UO UP FBiH

Predsjednik je obavijestio članove UO UP FBiH da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi

A.D.1.: Zapisnik sa 19. proširene sjednice UO UP FBiH je jednoglasno usvojen.

Tačka 2. Informacije o Inicijativi UPFBiH 20+5+6;

Vezano za ovu tačku dnevnog reda predsjednik je upoznao prisutne sa aktivnostima koje se provode a u cilju usvajanja Inicijativa. U tom smislu obavijestio je prisutne da je održano nekoliko sastanaka sa premijerom Vlade FBiH, predsjednicima vladajućih stranaka, Klubovima poslanika u Predstavničkom domu i Domu naroda PFBiH. Istakao je a da je održan veliki broj zvaničnih i nezvaničnih sastanaka sa svim nadležnim ministarstvima. Naglasio je da je feedback dosta dobar dobar, te da postoji podrška od većine ministarstava a što UPFBiH nije očekivalo. Uspjeli smo sa Kabinetom Premijera da usaglasimo par zakona. Imali smo svoje prijedloge. Od određenih prijedloga smo odustavali ali uz kompromis. Vezano za Zakon o doprinosima usaglašeno je sa vladom da doprinosi za prvu godinu budu definisani 32%, te da će prilikom donošenja Zakona Parlament ovlastiti Vladu da će za svaku narednu godinu umanjiti doprinose za ukupan rast prihoda. Vezano za Zakon o dohodku

Postignut je dogovor oko par stvari da se neoporezivi dio poveća na 900 KM a preko 900 KM da bude jedna stopa i Vlada institira da to bude stopa od 17 %. UPFBiH je tražilo 10 % ali Vlada to neće prihvatiti. Ova dva Zakona bi išla paralelno sa donošenjem Zakona o minimalnoj plaći. Zakon o minimalnoj plaći je pripremila Udruženja i Vlada ga je prihvatila uz uslov da se u zakonu za prvu godinu definiše minimalna plaća u apsolutnom iznosu. UPFBiH je kategoričnog stava da povećaneje minimalne plaće može ići samo ako će se doprinosi smanjiti.

Vezano za Zakon o štrajku, Zakon o zaštiti na radu, Zakon o mirnom rješavanju sporova te Zakon o reprezentativnosti prijedlozi UPFBiH bi trebali kao takvi biti upućeni u parlamentarnu proceduru.

Predsjednik je nakon uvodnih izlaganja otvorio raspravu.

U raspravi u kojoj su učestvovali svi prisutni naglašeno je da treba ići u ovom pravcu i da treba insistirati na prihvaćanju prijedloga UPFBiH.

Gdin Čengić je istakao da na listu prioriteta treba staviti i Izmjenu Zakona o PIO koji se odnosi da penzioneri imaju mogućnost zasnivanja radnog odnosa nakon odlaska u penziju. Trenutno je u privredi kolaps zbog nedostatka radne snage odnosno. Također dodao je i Zakon o saobraćaju odnosno odredbe koje definišu da vozači u kompanijama pored položenog vozačkog ispita moraju imati i srednju školu vozača motornih vozila. To stoji već godinu dana u Vladi i Parlamentu. Ovo pitanje nije pitanje jedne firme i jedne djelatnosti već je pitanje svih kompanija. U raspravi su učestvovali svi prisutni. Nakon diskusije doneseni su sljedeći zaključci:

A.D.2.1. Članovi Upravnog odbora su dali podršku aktivnostima koje se vode vezano za Inicijativu 20+5+6.

Tačka 3. Zauzimanje zvaničnog stava UPFBiH za prednacrt Zakona o PDV-u;

Direktor Mladen Pandurević je ukratko izjestio o tekstu Prednacrtu Zakona o PDV-u. Predložena rješenja novog Zakona o PDV-u, nisu u interesu povećanja likvidnosti kompanija i poboljšanja poslovnog ambijenta, niti će doprinijeti kvalitetnijem uređenju oblasti indirektnih poreza i rastu prihoda. Sadašnji tekst doživio novelaciju više od 50% i radi se uglavnom o usklađivanju sa direktivama. Ono što je bitno napomenuti jeste da predlagači nisu uvažili i u tekst Prednacrtu uvrstili niti jedan zahtjev UPFBiH, kao što su pomjeranje roka plaćanje PDV-a sa 10. na posljednji dan u mjesecu, plaćanje poreza po naplati fakture za male poreske obaveznike te nemogućnost obračuna odbitnog PDV-a za neplaćene fakture. Radi se o prijedlozima koji su sadržani u zakonskim rješenjima za oblast PDV-a u zemljama regiona i EU.

Navedeni tekst je razmatran od strane pravnog i ekonomskog savjeta koji je na bazi pristiglih primjedbi pripremio primjedbe UPFBiH.

Direktor je predložio da se razmotre primjedbe koje su dostavljene svima te ukoliko je potrebno da se ostavi rok od 10 dana da svi članovi dostave svoje dodatne primjedbe na bazi kojih će se pripremiti konačne primjedbe u formi amandmana na predloženi tekst.

Nakon diskusije u kojoj su učestvovali svi prisutni donesen je sljedeći zaključak:

A.D.3.1. Zadužuje se stručna služba da svim prisutnim i članovima UO dostavi tekst koji je pripremio pravni i ekonomski savjet UPFBiH zajedno sa Prednacrtom Zakona o PDV-ju sa zahtjevom da dostave svoje primjedbe u roku od 10 dana.

Tačka 4. Donošenje Odluke o razrješenju i imenovanju jednog člana UO;

Predsjednik je upoznao prisutne da se osnovu člana 34. Prečišćenog teksta Statuta UO UPFBiH može izvršiti zamjenu člana UO kome je prestao mandat po osnovu člana 33. Statuta.

Shodno navedenom a u vezi sa članom 33. tačka b) predlaže se razrješenje člana UO Sanela Kusturice, i imenovanje novog člana.

Sanel Kusturica, predstavnik Udruženja banaka BiH - ispred Grupacije poslodavaca za djelatnost finansijskog poslovanja za člana Upravnog odbora Udruženja poslodavaca FBiH izabran za mandatni periodu 2016-2020.

Obzirom da je Udruženje banaka istupilo iz Udruženja poslodavaca FBiH shodno članu 33. alineja b) Prečišćenog teksta Statuta Sanelu Kusturici prestaje mandat prije isteka vremena na koji je izabran. S tim u vezi UO predlaže razrješenje postojećeg i imenovanje novog člana UO.

Predlaže se da se shodno odredbama Statuta za novog člana predstavnika Grupacije poslodavaca za finansijsko poslovanje imenuje predstavnik Udruženja društava za osiguranje u FBiH.

Udruženje društava za osiguranje je dostavilo prijedlog za člana Upravnog odbora UPFBiH. S tim u vezi UDOFBiH predlaže da se za novog člana UO Udruženja poslodavaca u FBiH imenuje Senada Olević, predsjednica Uprave/direktorica Uniqua osiguranje d.d. Sarajevo i potpredsjednica UO UDOFBiH.

Shodno navedenom predlaže se da se razrješi član UO Sanel Kusturice, a za novog člana predlaže se da se imenuje Senada Olević.

Obzirom da nije bilo novih prijedloga od strane prisutnih UO je donio sljedeći zaključak:

A.D 4. 1. UO je jednoglasno donio Odluku kojom se Sanel Kustrurica razrješava dužnosti člana UO a za novog člana UO imenuje se Senada Olević. Mandat novog člana UO traje do isteka mandata postojećeg UO.

Tačka 5. Donošenje Odluke o imenovanju novih članova Pravnog i Ekonomskog Savjeta UPFBiH;

Direktor Mladen Pandurević je ukratko izvjestio prisutne o ovoj tački dnevnog reda. Udruženje poslodavaca u FBiH u skladu sa Statutom ima 2 stalna tijela – Pravni Savjet i Ekonomski savjet, koji imaju zadatak da kontinuirano prate i analiziraju propise koje su od izuzetnog značaja za rad poslodavaca, daje mišljenja na propise koje su u proceduri donošenja, priprema prijedloge inicijativa, te na bazi prijedloga članica priprema primjedbe u formi amandmana na zakone i izmjene i dopune Zakona. Ekonomski Savjet je konkretno zadužen za analizu Zakona iz oblasti finansija i javnih prihoda.

Obzirom da neki od članova pravnog i ekonomskog savjeta nisu više članovi zbog odlaska iz kompanije koja ih je predložila prijedlog je da se donesu nove Odluke o imenovanju Pravnog i Ekonomskog Savjeta UPFBiH u koji će biti imenovani postojeći članovi i novi. S tim u vezi stručna služba je obavila prethodne konsultacije sa svim članovima i dobila prijedloge za članove Ekonomskog i pravnog Savjeta. Prijedloge lista za članove su svi prisutni dobili u materijalima za sjednicu. Direktor je istakao da ukoliko prisutni imaju nove prijedloge da nema pravnih prepreka da se predložene liste prošire.

Obzirom da nije bilo primjedbi na predložene liste članove kao ni novih prijedloga donesen je sljedeći zaključak:

A.D. 5.1. UO je jednoglasno donio Odluku kojom se imenuje pravni i Ekonomski savjet UPFBiH. Za članove Pravnog Savjeta savjet UPFBiH imenovani su:

1. Željko Marjanović, HT Eronet Mostar, Predsjedavajući
2. Frano Medić, Violeta d.o.o. Grude
3. Narcisa Kasumović, Sisecam d.o.o. Lukavac
4. Bakir Čelosmanović, BH Telecom Sarajevo
5. Haris Muslić, Coca Cola Srajevo
6. Adisa Karahodžić, Koteks Tešanj
7. Darko Josipović, Sarajevski Kisejak
8. Ante Pehar, Ledo d.o.o. Čitluk

Za članove Ekonomskog savjeta UPFBiH imenovani su:

1. Mubera Brković, PWC, Predsjedavajuća
2. Zehra Obralića, Tvornica cementa Kakanj d.d.
3. Damir Vidačak, Asocijacija poduzetnika Hercegovine, Mostar
4. Adnan Hadžić, Bosnalijek d.d. Sarajevo
5. Fikret Plevljak, Sarajevo osiguranje d.d. Sarajevo
6. Sadeta Abduzaimović-Filipović Ataco d.o.o. Mostar
7. Naila Hadžić, Centrotrans-eurolines d.d. Sarajevo
8. Emir Rekić, Bihaćka pivovara d.d. Bihać
9. Mahmut Galijašević, Mann+Hummel d.o.o. Tešanj

Tačka 6. Donošenje Odluke o imenovanju članova tematskih podgrupa za izradu Strategije razvoja FBiH 2021 -2027;

Vezano za ovu tačku dnevnog reda predjednik je istakao da se Udruženju poslodavaca u FBiH 21.06.2019. godine obratio Federalni zavod dopisom broj: 01-28-2-76-30/18 sa zahtjevom za imenovanje predstavnika UPFBiH za članove tematskih podgrupa za izradu Strategije razvoja

Federacije BiH 2021-2027. Stručna služba je poslala upit svim članicama za dostavljanje prijedloga za članove i na osnovu pristiglih potvrda pripremila listu koja je dostavljena u materijalima.

Imajući u vidu da UPFBiH već ima svoje predstavnike u Koordinacionom tijelu za izradu navedene Strategije direktor je istako da je dosadani zamjenski član bio Zlatan Dedić koji u septembru odlazi u penziju te da je potrebno predložiti i novog zamjenskog člana. S tim u vezi predlaže da Grupacija poslodavaca Kantona Sarajevo predloži zamjenskog člana za Koordinacioni odbor.

Obzirom da nije bilo novih prijedloga donesen je sljedeći zaključak:

A.D 6.1. UO je jednoglasno usvojio predloženu listu za imenovanje članova tematskih podgrupa za izradu Strategije razvoja FBIH 2021-2027. Odluka o imenovanju je u prilogu zapisnika i čini sastavni dio Zapisnika.

A.D. 6.2. Vezno za imenovanje zamjenika člana Koordinacionog odbora usvojen je prijedlog direktora da Grupacija poslodavaca Kantona Sarajevo dostavi svoj prijedlog. Daje se ovlaštenje direktoru UPFBiH da u konsulatcijama sa Predsjednikom UPFBiH imenuje zamjenu za člana koordinacionog odbora na osnovu prijedloga kojeg dostavi Grupacija poslodavaca Kantona Sarajevo.

Tačka 7. Razmatranje Inicijativa dostavljenih od članica UPFBiH;

- a) Inicijativa RVI i Udruženje Ortaštvo -Zakon o profesionalnoj rehabilitaciji, osposobljavanju i zapošljavanju osoba sa invaliditetom
- b) Udruženje Gračanica i SBK – fiskalizacija u veleprodaji
- c) Inicijativa TK- Samir Fočak- Komunalne naknade
- d) Inicijativa Senid Gerin – uspostavljanje e-uprave

Mladen vezano za inicijativu a i b istako da neki od članica UPFBiH žele da obustave naše prijedloge.

Predsjednik je upozno prisutne sa inicijativama koje su svakako dobili u materijalima te predložio da ostajemo kod našeg prijedloga te da i dalje idemo sa našim prijedlogom obzirom da naš prijedlog nije na štetu osoba sa invaliditetom.

U raspravi su učestvovali Čengiđ, Pilav, Ećo i dr. članovi UO.

Nakon rasprave stav donešeni su sljedeći zaključci:

A.D. 7.1. Vezano za inicijativu a i b je UO je bio jedinstven da ostaje pri predloženim inicijativama, a posebno imajući u vidu da je Skupština UPFBiH usvojila inicijative vezano za izmjenu Zakona o profesionalnoj rehabilitaciji i osposobljavanju osoba sa invaliditetom kao i inicijativu za izmjenu zakona o fiskalnim sistemima a u vezi sa ukidanjem fiskalizacije u veleprodaji.

A.D. 7.2. podržava se inicijativa vezano za uvođenje e-uprave.

A.D. 7.3. Zadužuju se svi prisutni da u ime svojih kantona/općina dostave informacije da li se plaćaju komunalne naknade kao i način i pravni osnov za plaćanje.

Tačka 8. Tekuća pitanja:

Pod tekućim pitanjima se raspravljalo o :

1) Inicijativa Sindikat radnika trgovine- Izmjene Zakona o radu i Zakona o unutrašnjoj trgovini.

Nakon rasprave donesen sljedeći zaključak:

A.d.8.1. Zadužuje se stručna služba da organizuje sastanak Grupacije trgovaca pri UPFBiH sa Sindikatom trgovine na kojem će se raspravljati o navedenim prijedlozima.

2) Sanacija tunela „Vranduk i Crnaja“

Vezano za ovu tačku dnevnog reda Ante Sutom je predložio da se UPFBiH mora oglasiti vezano za sanaciju tunela Vranduk i najavljenju sanaciju tunela „Crnaja“.

Direktor Mladen Pandurević je upoznao prisutne da je jedan broj firmi zatražilo da UPFBiH tuži ceste Federacije. S tim u vezi advokat je predložio rješenje da se može ići sa kolektivnom tužbom gdje bi svako od poslodavaca morao dokazivati štetu.

A.D. 8.2. UO je jednoglasno zauzeo stav da se uputi saopštenje za javnost vezano za „Vranduk i Crnaju“ u kojem će se najaviti kolektivna tužba poslodavaca ukoliko se ne obezbijedi alternativni pravac.

Sjednica se završila u 14:00 sati

Predsjednik UO

Zapisnik sačinila: Mersiha Jusić

Adnan Smailbegović